

Vischnaunca politica Vuorz

Radunonza communal dils 18 da zercladur 2010

1. Approbaziun dil protocol dalla radunonza communal dils 07.05.2010

Il protocol dalla radunonza communal dils 07.05.2010 vegn approbaus unanimamein.

2. Quen communal 2009

a) Presentaziun dil quen

Il quen current 2009 siara suenter expensas da frs. 2'460'476.67 ed entradas da frs. 2'480'472.95 cun in surpli d'entradas da frs. 19'996.28. Amortisaziuns ordinarias e supplementaras sco era sin la facultad finanziaria e las finanziaziuns specialas ein vegnidas pridadas avon ell'altezia da total frs. 778'633.40.

Il quen d'investiziun 2009 siara suenter expensas da frs. 229'981.35 ed entradas da frs. 86'738.50 cun investiziuns nettas da frs. 143'242.85. Las pli impurtontas investiziuns egl onn 2009:

- Sanaziun punt dil Rein (lavurs d'inschignier)
- Via d'uaul Gneida - Ladrail
- Rempars Valvarengias (preproject)
- Sanaziun casa consum Volg
- Sanaziun cascharia
- Zona tempo 30 (preproject)

Bilanza: Ils deivets a termin cuort, mesaun e liung muntan per ils 31.12.2009 a frs. 2'520'345.55 (sminuziun da frs. 1'231'887.55 enviars onn 2008). Las cundiziuns da tscheins muntan intragliauter a 2.40% (onn 2008 2.45%, onn 2007 3.0%). Il capital agen ei s'augmentaus per frs. 19'996.28 sin frs. 534'251.47.

b) Rapport dalla cumissiun da gestiun

La cumissiun da gestiun propona tenor rapport dils 10.06.2010 alla radunonza communal dad approbar il quen 2009 e la bilanza per ils 31.12.2009 sco era da dar scarica a tuts funcziunaris da vischnaunca ed all'administraziun.

c) Approbaziun dil quen communal

Il quen communal 2009 vegn approbaus unanimamein sco presentaus. Medemamein vegn dau unanimamein scarica als officials da vischnaunca ed all'administraziun.

3. Fossa communabla en santeri

a) Decisiun davart ina fossa communabla

Alla radunonza dalla pleiv ei vegniu exprimiu il giavisch che la suprastonza communal persequiteschi la pusseivladad per ina fossa communabla el santeri a Vuorz. Ord quei motiv ha la suprastonza incaricau Beat Buchli, architect actual responsabels per la renovaziun dalla baselgia, dad elaborar e presentar ideas corrispudentas. Signur Buchli ha elaborau las pusseivladads risguardont la renovaziun dalla baselgia ed era sin fundament dallas pusseivladads dil liug. Duas propostas ein vegnidas inoltradas, las qualas prevedan la fossa communabla sil pastget sut baselgia. Tenor signur Buchli ei quei in liug adattau nua la fossa sa vegnir eregida.

La radunonza communal concluda cun 21 vuschs encunter 1 vusch da surdar alla suprastonza dalla pleiv, ensemen cugl architect responsabel e la tgira da monuments, da realisar tala pusseivladad.

b) Midada parciala dil regulativ davart las sepulturas ed il santeri

Cun la decisiun sura numnada dalla radunonza communal da crear ina fossa communabla basegna ei d'ina midada parciala dil regulativ davart las sepulturas ed il santeri. Igl art. 14 dil reglament numnau vegn amplificaus sco suonda:

"En santeri exista la pusseivladad da satrar urnas e vischals en in sectur definau. Sin il segn-fossa communal duei esser enscret il num, prenum, onn da naschientscha ed onn dalla mort dil defunct. Il contuorn da talas fossas vegn tgirau entras la vischnaunca (pastget). Ornaments sco fluras e plontas ein buca lubi."

L'amplificaziun d'igl art. 14 vegn approvada unanimamein.

4. Midada parciala dil reglament da pumpiers Vuorz/Andiast

A caschun dalla sesida dalla corporaziun da pumpiers Vuorz/Andiast han ils representants dallas vischnaucas secussegliau davart il reglament da pumpiers vertent. Art. 12 dil reglament regla la deliberaziun dil survetsch activ. Dallys personas ch'exequeschan funcziuns officialas ei sulettamein il president communal deliberaus. Daniev duein era ils ulteriurs commembers dalla suprastonza communal ed il canzlist communal vegnir deliberai dil survetsch activ. Medemamein duein ils officials numnai vegnir deliberai dalla taxa da cumpensaziun, la quala vegn reglada en art. 14 dil reglament.

La suprastonza communal ei oz fetg occupada cun uatgas, sesidas, radunonzas eav. La deliberaziun dil survetsch activ da pumpiers fuss in grond levgiament.

La suprastonza communal fa la proposta dad approbar la midada parciala dil reglament da pumpiers Vuorz/Andiast. **Unanimamein vegn concludiu da dar suatientscha alla damonda dalla suprastonza communal.**

5. Varia

Project da fusiun: President Luzi Pfister sa informar cuortamein davart il project da fusiun. La cumissiun da fusiun ei aunc adina lundervi da tractar las differentas fatschentas. Sur stad vegnien quellas sesidas menadas vinavon. In termin per in'informaziun publica ei aunc buca fixaus. Pli concret sappi aunc buc vegnir informau el mument.

Tschentada da cumin a Rueun: Il deputau el Cussegl grond Marcus Hasler pren cuortamein posiziun tier la tschentada da cumin dils 13.06.2010 ed explichescha ils motivs daco ch'el ha retratg sia candidatura el davos mument. El engrazia denton a tut las persunas che ein idas a Rueun per sustener el.

Vuorz, ils 18.06.2010

Il president:

Igl actuar:

Luzi Pfister

Giovanni Damiano